

大同府志

大同府志卷之二十三

大同府知府吳輔宏督纂輯

人物三

國朝

鮑承先應州人負大畧嘗上書祖堯舜以行仁宗湯武以除暴

世祖章皇帝召見殿上

賜蟒幣鞍馬尋授內祕書院大學士勦撫諸方畧多所規畫

特異世職以彰厥功承先事繼母孝性簡潔食粗糲衣大

大同府志

卷之三十三

人物

布衣第舍裁蔽風雨居鄉退讓歲歉傾橐賑之又嘗修府縣學創桑乾河石橋往來者胥頌其德卒祀鄉賢子孫隸正紅旗籍多至通顯

劉愈奇靈邱人順治初授河南考城知縣陞歸德府同知所至有聲擢知四川保寧府值吳逆之變抗節不屈拘繫不食死

杜國慶大同人以武舉累官沂州鎮標遊擊饒材勇精騎射慷慨許國嘗有死綏之志順治六年土寇竊發率其黨攻城武縣國慶馳往救之擒渠魁王心茂王希純等已復攻定陶定陶國慶汛地也偕縣令李文學殫力防



禦一日遇賊振臂大呼徑入其陣文學督兵繼之賊黨披靡而援兵不至賊復合圍其堅國慶屢馳擊不得出與文學偕死撫按合疏以聞得

贈卹如制

李國英字培之滿洲籍大同人少儻志氣岸然從 肅王收四川以才畧擢巡撫闢荆棘招流移蜀疆漸定晉尙書總督川陝以秦事付陝撫再統師入川大興屯田以牛種數萬給墾者軍儲獲充又疏設學政頒憲綱撫軍士復遐疆招來譚姓大族請封侯伯者四人世所稱三譚也與士卒同甘苦廬帳筵幕外無長物俸糈盡餉

大同府志

卷之三十三

人物

二

稚牛饗士之用秦蜀胥倚爲樞壁晉太子少保以勞成

魯明大同人性果毅習韜畧順治初流寇餘黨竄入雲朔間所至蹂躪明慨然詣軍門陳勦撫策從定應朔山陰懷仁諸邑以功守備宣府值姜瓖變村堡多煽動明嚴部伍緝奸宄深壘堅壁以待變境內帖然累遷至潼關協鎮保障邊陲兵民咸頌其德

鮑敬字簡公承先第四子襲父世職隸旗籍順治乙酉隨征陝西商州延安進勦四川俱有功姜瓖變從征大同克捷回京授本旗叅領陞都督同知河南河北總兵官

統領秦豫兵會勦湖廣郝寇以楚師敗往請龍補統領
康熙甲寅滇逆之變統本旗兵出征襄陽本年仍以都
督同知充河南通省援勦總兵官尋晉右都督鎮守大
同入爲鑾儀衛鑾儀使卒於官

李承鏞大同人順治六年由選貢知房縣居縣西羊角寨
招撫流亡賊潛伏山谷一日夜行三百里襲之被執不
屈死

韓一蘇廣靈人性醇謹與弟一歐事其父廷和以孝聞順
治元年闖寇敗歸所過剽掠至南和縛廷和去一子奔
赴賊營各祈以身代賊梃刃交下一歐血肉立糜爛一

大同府志

卷之三十三 人物

三

蘇亦垂斃氣息裁支綴猶祈免其父不少止賊黨有義
之者因釋其父後賊退一蘇復甦知父獲免喜曰吾雖
死無憾而不能不痛弟之死於劇賊也久之漸起事父
以壽終論者謂二人生死殊途純孝一轍焉

常志强大同人志旺其弟炳其子也順治五年姜瓖變賊
黨王忠爲飲具召常酒半以謀告炳叱之忠語漸逼志
強勃然推案起嚙指誓死拒聲色俱厲因縛送左雲衛
僞叅將所杖三人各百餘慘毒備至志旺瞋目大罵賊
怒刃其頰血濺賊面遂遇害志强父子被囚會 大兵
克復左雲擒忠等斬之乃得免炳後官大水口換

周于德廣靈諸生幼偕弟子道受學於父之屏姜逆之變
賊黨徇郡縣至廣靈知縣范發愚乘城固守檄徵鄉勇
之屏督衆往于德請從不許則曰安有父行而子不衛
者于道亦慨然起曰安有父兄胥行而子弟不衛者之
屏心獨喜謂此真吾子也賊猝邀擊於途二人奮長矛
振臂大呼逐賊旋陷入賊壘被執不屈俱死之同邑李
莫者之屏妻弟之子方當令徵兵衆莫肯前莫憤甚尋
聞周氏父子往請曰昔人恥獨爲君子願分餘烈于德
曰得子同往甚善及周氏兄弟陷於賊莫馳救之亦爲
賊所殺

大同府志

卷之三

人物

四

高鼎大同人明季遭闖寇之亂聚鄉勇保五臺順治丙申
來歸投叅將尋陞湖廣興國州副將調浙江湖州協渠
匪趙太茹二茹三等俱就擒滅康熙乙卯充總兵官從
征吳逆將軍趙良棟檄守風火臺險隘備著勞績賊平
擢福建興化鎮總兵良棟奏松潘爲西川門戶非高鼎
不足彈壓遂改鎮松潘癸亥奉命進勦巴豬寨羣醜乃
規度形勢設疑兵誘戰自引輕騎間道出王黃六定寨
直搗其巢賊驚潰縱擊大破之斬數百級餘悉降在鎮
十四載威信大行八民悅服年七十四屢疏乞歸又五
年而卒

贈都督同知賜祭葬鼎目光如炬趨捷善馳殺尤擅火攻
智勇少公稱一時名將焉第四子麟端勇捷有父風以
蔭授藍領侍衛歷川北鎮右營遊擊陞叅將嘗從征滇
蜀累樹戰功孫浚康熙間官蘇州知府有賢能聲
全光英大同人由行伍起家順治十六年任江蘇才帥協
都司海賊鄭成功陷崇明遂犯江寧光英從總兵官梁
化鳳率兵擊走之克復崇明以功超擢副將協鎮其地
海疆晏然加授騎都尉世襲

徐化溥號雲門陽高人早喪父學殖猶未就顧不以凶閔
少阻鍵戶下帷經史暨他瑣雜書胥究闕奧著古文辭

大同府志

卷之三

人物

五

詩歌風骨尤高一時名人如曹秋嶽魏環極皆重之撰
雲中志十四卷詳密簡括可佐國史年踰耄日坐小牕
前手一編吟詠不輟間策蹇驢過知舊或徑詣佳山水
數日乃返雲門集若干卷馮學博訥生爲刊行於世其
甥滑國賢字賓王善詩文博雅有雲門風由貢官訓導
郭傳芳字九芝大同人父之麟前九江府監紀同知傳芳
順治戊子膺選貢曹侍郎秋嶽嘗言雲中有一士徐化
溥與傳芳也銓注咸寧縣丞諸上官雅知之會修陝西
通志命司其事署郃陽長安縣篆所至有聲遷富平知
縣滇逆之變哀甲乘大霧徑搗其巢斬渠首二人獲僞

劄三十餘紙時轉輸填委多所寬假嘗抗聲曰爲百姓
卽所以爲朝廷也舉卓異遷達州知州邑人攀泣信宿
不得發抵達州匝月病卒無以爲殮甥僕從者亦繼死
後其子訓導荆石匍匐往始克以喪歸富平卒太史因
篤誌其墓云

郭中鼎字五黃大同人究心易理樂道不倦順治十二年
以薦起丹陽知縣興利除弊不朞年威惠大行暇則討
論經史手不釋卷卒於任喪歸囊無餘貲士民哭送數
十里不絕

張于德大同人居家以孝友著登順治辛丑進士選威遠

大同府志

卷之三

人物

六

教授捐俸修學宮月集諸生課文藝尤邃於易理詩學
朝夕講貫以闡明經術鼓勵士風爲已任歲歉奉檄散
賑多所全活累陞國子助教兵部主事告歸卒

母儀字範公陽高人以貢士任教諭陞廣東長樂知縣弭
盜賊除強暴息訟安民循聲特著調繁英德去民建生
祠及治英德發倉賑饑請豁鹽課逋欠民頌其德如長
邑焉崔邑俊亦陽高人由明經歷巫山令卹州牧勤敏
多善政所至人思之終夔州府知府

穆生輝天鎮人驍勇有智畧聞人道拔幟舉旗一輒慨然
神往起行間存歷叅副將所向有功世襲拖沙喇哈番

順治十一年陞湖廣鄖襄總兵內陞總兵衛使士民
留復任十八年小醜鴟張督士卒討之戰既合不利衆
皆殊死鬪兵盡矢窮猶揮刀截斬數十人卒以死殉事
聞給全葬

張友鳳應州人少負將畧以勇幹聞康熙十三年隨征滇
黔所向克捷由雲南永北守備累擢四川建昌鎮總兵
官威望益著進加左都督致仕歸卒

羅光乾字文九天鎮人先世以武功顯父映壇由武進士
官副府光乾生而勇毅喜談兵少從軍旅間康熙十七
年鄭芝龍跳梁隨楊帥奮臂征討殺賊有功予都督銜

大同府志

卷之三

人物

七

越六年授宿遷遊擊累擢真定副總兵調湖州協值杭
嘉湖三郡水災捐俸施粥力請于中丞具題蠲賑全活
甚衆湖人建生祠祀焉尋調浙閩督標中軍復調澎湖
平賊匪朱一貴雍正元年乞休卒於家

母椿齡英德知縣儀次子由行伍累官辰州協副將署鎮
筭鎮總兵官值九股苗蠢動經畧檄令攻公鷺寨寨踞
一峻嶺徑多叢林密箐四面環溪深不可測乃設巨艦
架飛梯設藥箭仰射寨中火爍發燒賊畧盡功成未四
旬也俄以疾作卒於軍

優卹如總兵制予一子官

魏麟大同人康熙三十五年以材勇從撫遠將征噶爾丹殺賊有功授把總累擢至直隸真定鎮總兵官雍正七年大兵征策旺授爲車陣漢統管領直隸山東山西河南四省車騎兵會勦每戰輒身先士卒俘斬甚衆明年進至庫列兒地方賊麇至圍之數匝麟奮勇潰圍出以馳救諸將復陷陣身被數十創與副將軍查弼納前鋒將軍丁壽等俱力戰而歿次子承熹從亦死事聞賜祭葬贈都督同知祀昭忠祠蔭一子

馮廷輔大同人由行伍累官廣西潯州協副將康熙壬寅苗人覃普滋擾南峙地灘五旋等處相繼煽動假廷輔

大同府志

卷之三

人物

八

總兵銜率師討之賊據山阻水自固廷輔乘夜潛兵遶山背縛筏而渡旣薄巢鎗弩齊發火光燭天賊衆驚潰以爲神赴江墜崖死者不可勝計生擒渠首覃普及其黨二百餘人捷聞

賜資甚厚特授浙江黃巖鎮總兵官擢其子千總得勝爲侍衛

史成大同人康熙丙子以把總隨征噶爾丹戰召磨多有功累遷湖廣永定營遊擊境多灘河白馬牛鼻大屋小星犀角烏殼陰溪鬼棒八灘尤險惡舟至輒壞爲捐俸鍛石繫稜順水性而治之行旅利賴癸未奉提督檄

進勦紅苗卒僅百人至小天星寨與賊遇力戰破之斬首四百九十餘級復追敗之排陸梁賊氣沮將遁入老枉山成率輕兵趨山後堵絕隘口返擊之斬獲無算賊平以功陞叅將歷辰州協副將尋擢浙江黃巖鎮總兵官先是劇賊陳君元等海洋剽竊爲商民患成嚴督官兵指授機宜皆以次擒滅在鎮三載卒於官

特賜祭葬成起卒伍至大將歷官二十餘年屢樹勲績家無餘資子載賢湖廣提督從孫宏蘊廣西提督俱克世其家論者比之前代麻氏云

武寧周字救圖靈邱人其先自汾陽徙於邑之腰站村康

大同府志

卷之三十一 人物

九

熙三十三年由例監授山東東昌府經歷有能聲卓薦陞廣東徐聞知縣甫下車縣境英利村不戒於火延燒廬舍二百餘家急親詣撫慰捐貲助修葺民免露處歲稔復捐穀賑粥所全活者甚衆在徐十四年告歸卒

劉章字煥然大同人年二十餘從行陣以功授千總累陞助馬路叅將領大同鎮標官兵戍甘州尋調赴西寧又調涼州士卒多里人子將出師申令於衆有干紀違者卽親故弗宥軍行肅然雍正丁未由南雄協副將擢授廣東高雷廉鎮總兵官會安南國違例闖入滇南廷議致討制府知其能檄令率兵二千往相機勦撫章言小

國雖不循舊例抗跡未彰宜先諭以定制如不悛改進
其未晚制府然之果遣使齎表謝罪守約如初明年調
江西南贛鎮南康贛民以私忿聚千人挺刃相向勢洶
洶章單騎馳諭立時解散後移鎮太原累疏乞休歸卒
年七十初高州火延燒數百家贛屬南安縣水暴漲壞
民廬舍並捐俸周卹令無失所故兩鎮尸祝之

霍昇字正清應州人家世力農有隱德昇生負勇畧能左
右射弱冠釋耒從戎進勦召磨多力戰有功大同總鎮
召與語甚奇之曰大將材也康熙四十二年大同總鎮
以湖廣提督征紅苗奏昇隸帳下爲親兵鎮尊之捷生

大同府志

卷之三

人物

十

擒賊十三人積功授千總累擢至雲南永順鎮總兵官
調廣西左江鎮雍正十年署貴州提督時九股苗聚衆
阻建城汎絕糧道官軍屢劬昇統兵由下秉直抵台拱
晝夜督攻連破土城七十寨四十六分兵三路勦捕賊
黨悉定陞廣西提督明年逆苗餘孽復蠢動率師討平
之乾隆三年以疾卒于官年六十有六

郭安字清平大同人由行伍拔補把總雍正元年從征西
路至三單衛駐防凱旋以功累陞陽和守備尋超擢襄
陽城守營遊擊路當孔道安設法詳請均兵丁勞逸歲
省兵役十之四焉漁戶歲納魚六百劑却不受永免陋

例後調任襄鎮右營卒於穀城軍民思之立碑平生重然諾好施予同官陳某暴歿逋欠纍纍力爲經紀歸其喪人亦以此多之子士衡乾隆辛卯 恩科成進士

武梓字東山靈邱人雍正五年由廩貢任甘肅漳縣知縣涖任首草陋規數百金鑿渠引泉灌田歲倍收漳人享其利爲建生祠會西陲軍行奉檄辦理驛站以廉能調繁寧夏剔弊政除奸豪尋委勘災花馬池署水利廳篆所至頌聲作久之陞秦州知州未赴丁母憂歸

韓國瓚廣靈人舉雍正癸卯鄉試知靜海縣有惠政再歷獲鹿固安二縣以賢能膺卓薦擢霸州知州旣歸杜門

大同府志

卷之三十五 人物

十一

讀書自娛

馬光祖字繩武大同人狀貌魁梧多膂力精騎射從征陝西有功雍正間以千總署陽高城守練士卒清軍儲弭盜息民營務整飭內擢京營守備歷巡捕北營遊擊中營叅將皆以廉勤稱乾隆二年推陞江南寧國營叅將履任未幾卒於官囊無餘資家人鬻產始克歸其喪

王泰運字興若大同人弱冠充騎兵隸大同鎮麾下總鎮甚器識之征滇南蠻用爲前隊擒二賊首補軍營千總戰輒先登議敘一等功超擢直隸張家口遊擊復從撫遠將軍西路出兵屢建奇績陞河間協副將時多竊盜

秦運嚴督官兵分路偵緝立擒渠魁十餘人置之法餘黨盡散民獲寧止乾隆七年移疾歸卒於家

任舉字漢冲大同人赭面長髯素具忠義志才勇過人雍正二年成武進士授陝西栢林守備從征巴里坤有功遷寧夏都司用薦陞固原遊擊乾隆十一年固原提督失馭悍卒數千推全文耀爲首滋擾聞變仗劍趨出登鼓樓曉諭禍福賊沮喪引去俄復分三面攻城舉馳赴東門賊攀垣上立斬其首擲城下復急毀女牆擊之賊驚潰所部僅五十人戰具不充而南門已陷賊衆塞巷舉趨往揮刀斬數十人賊懼奔出城尾追勦捕餘黨悉

大同府志

卷之三

人物

三

散以捍禦功擢中營叅將會金川逆命特授西鳳協副將晉署重慶鎮總兵督兵進勦山谿險阻舍馬徒步冒雨拔山而進首襲昔嶺扼其吭遂取噶達達喇木岡等十餘處卡崙並破木石城及碉樓二百餘座駐軍色兒力山梁已深入賊避其鋒退守石城不出城堅厚矢石如雨不能克令伐木枋以蔽鎗石榨立木城深溝塹築礮臺因風發礮石城鱗碎按步步圍城法攻之賊勢窮蹙遂持火具薄城城上鎗礮齊發傷左足賊悉出圍戰益力欲乘勢先登伏賊起濠中斫傷右手刃墜地賊復趨至奪鎗連刺數十人俄中鳥鎗洞胸撲地

噴血大呼報國而絕時年四十六事聞

上甚憫悼卹典如提督例諡勇烈入祀昭忠祠蔭其二子官
畢躡大同人宋平章事士安裔孫精騎射負勇畧成雍正
癸卯武進士授花翎侍衛出爲陝西遊擊駐劄西路軍
營進勦有功陞叅將尋屯田蔡巴什湖著有成效乾隆
元年陞慶遠協副將所轄宜山縣白土邱索蠻蠢動曠
率所部馳往擒其渠藍明友覃奉恩等擢廣西右江總
兵官歷四川建昌廣東右翼二鎮撫輯軍民甚著威惠
以年老屢疏乞休不允內陞鑾儀衛鑾儀使卒於官

姜居廣字有容大同人父昌宗官新平守備居廣生而穎

大同府志

卷之三

人物

三

異好學工書旣而投筆習武乾隆二年成武進士授陝
甘督標守備歷橫城都司寧夏遊擊會西陲用兵奉檄
領解軍營駝馬往來哈密闢展地方備著勞績復赴新
疆英阿薩爾駐防嚴營伍清糧餉綏輯協宜以卓薦擢
紫荊關叅將在任四載卒於官

任承緒字叔武重慶總兵諡勇烈次子也幼有卓識喜讀
書善騎射年十二補博士弟子員乾隆二十六年以父
勲授巡捕京南營千總陞北營西營守備懲豪猾緝鼠
竊屏絕苞苴政績稱最琉璃廠有殺人疑獄密訪兇徒
江一二者夜率邏卒入其宰縛之掘地得屍遂吐實讞成

上喜其能超授南營遊擊明年正月猶市口列肆火馳往手
鈎索親率弁兵撲救深入火叢旣出旋復入風迴火熾
牆崩壓傷重輿歸日餘卒時年二十九承緒沉重寡言
蓄智畧忼慨有父風以急公隕身未竟其志時人咸悼
惜焉

王萬邦字協和陽高人生而軀幹雄偉讀書通大義勇畧
過人成乾隆辛未武進士授花翎侍衛越四年出爲陝
西涼州營遊擊時西陲用兵萬邦率偏師從定邊將軍
攻庫車克其南門俘馘甚衆已從扈木洛克沙雅爾二
路勦賊有功累遷保定城守營叅將張家口副將嚴部
大同府志

卷之三

人物

古

伍均成役人服其威信尋擢貴州威寧鎮總兵官辛卯
冬命往會勦金川凡十餘戰皆身先行陣冒矢石撤其
礮卡無算功居多癸巳秋疾作猶力疾督戰負重傷輿
歸營而卒時年五十

賜祭葬入祀昭忠祠蔭其子京營千總

姜必昌字際雲大同人工書善騎射以材武起行間補千
總督建綏遠城累遷貴州安籠鎮標守備都勻都司獨
山營遊擊安順提標中軍叅將所至草除陋規體恤士
卒皆有清惠聲尋陞黔西協副將值滇南用兵籌辦事
宜備著勞績歷二載引疾歸杜門手一編自娛以終

孝義附

北魏

長孫慮代人母飲酒父真呵叱之誤以杖擊致死真處車坐慮列辭尚書云父母忿爭本無餘惡直以謬誤一朝橫禍今母喪未殯父命旦夕慮兄弟五人並各稚幼慮身居長今年十五有一女弟始向四歲更相鞠養不能保全父若就刑交墜溝壑乞以身代父命使嬰弱衆孤得蒙存立尚書奏曰慮於父爲孝子於弟爲仁兄尋究情狀殊可矜感孝文帝特恕其父死從遠流

董洛生代人居父喪過禮詔遣秘書中散溫紹伯奉璽書

大同府志

卷之三

人物

五

慰之令自抑割以全孝道又詔其宗親使相喻獎勿令有滅性之譏

陸定國代人司徒公麗長子麗二妻長杜氏生定國次張氏生叡定國襁褓養官內與顯祖同遊處六歲爲中庶子及顯祖踐阼特賜封東郡王求以父爵讓弟叡許之後仕至秦益二州刺史

封萬護代人天水公勅文長子讓爵於弟翰於時讓者惟萬護及元氏侯趙辟惡子元伯讓其弟次與朝廷義而許之

北周

王德代人父喪家貧賣男公奴並一女以營葬事後歷位
車騎大將軍從周文累有戰功歷河涇二州刺史爵河
間郡公

元

賈進大同人大德九年地震民居多傷且乏食進給酒藥
炭米濟之每歲冬制木棉裘數百襲衣寒者買地爲義
阡使無墓者葬之有司以聞旌其閭

高著居喪廬墓王瑞之累世同居皆大同人元時表其門
閭

袁表廣靈人性孝祖衰老父吉家貧莫能養把載乃翁送

大同府志

卷之三十一 人物

六

山中歸投把於薪表取而懸之吉詰曰兒誤矣懸此何
施表泣對曰預爲阿翁具吉聞之俛首表知父悔悟乃
引把循故徑入山載翁以還今城南二十五里有畱老
山卽其處也

明

焦鑑大同府諸生侍父不離左右家貧必勉致甘旨父卒
哀毀柴立匍匐墓側悲號不少輟所親以減性非孝勸
之鑑曰父亡何歸卽從父於九原固無憾廬墓二年足
不入城市成化六年奉詔旌楊茂楊瑞俱大同人成化
間並以孝旌

王經應州廩生事繼母汪以孝聞母卒廬墓成化年間旌表

按明史孝義傳作安東中屯衛人

王誠渾源人官慶都縣丞父卒廬墓烏兔馴聚成化間旌

表

按省志作任邱縣丞今依明史更正

張瑞大同縣學生母卒廬墓父振止之父卒遂廬墓側會

烽烟有警堅守不去事聞旌表父由舉人官邳州牧瑞

以貢令環縣皆有惠政

石龜渾源諸生父彥芳歿哀毀廬墓墓初成天大雨山水

暴漲仰天號哭水將及墓忽分兩道去墓獲全宏治五

年旌表

大同府志

卷之三 人物

盧鉞大同人三歲失母父達不再娶以托寡嫂楊氏遂雲

遊八歲忽痛哭曰母則亡矣寧無父乎楊告之故正德

間鉞由監生授河南左長史棄官尋父誓不得父不歸

數載至平涼泣禱於神依夢往翠屏山遇老人楊譽如

夢所見則其父奕友也父歿已久鉞易棺函骨見有棋

子為殉宛然不朽會兵圍平涼鉞獨守柩不離眾曰此

中有孝子害之不祥遂解圍去事聞賜達為義夫贈承

德郎鉞為孝子封亞中大夫旌其閭

劉伏玘大同人倜儻負氣節有伏玘素識者王三鼓眾為

變太原平定諸郡邑重罹荼毒甲辰入紫荆關直抵完

縣世宗震怒械繫中丞朱方總制翟鵬罷大司馬毛伯
溫杖死職方郎中韓君勗皆以王三故也並懸賞格墓
能生擒王三者予千金隱官五級世世繼襲伏玘憤曰
吾家世食祿無寸報王三匹夫敢作孽如此戮妖醜報
天子非玘不可請以死從事乃畱三子以養父母而自
攜妻女就道賣酒關口陰圖其事期年王三跨馬挾矢
從四健兒按轡關下問戍卒曰誰在此以伏玘對王三
大喜促會玘亦具壺觴出迎馬前王曰弟何爲在此玘
曰貧不自給聊假釀酒得升斗爲活計不圖今日見兄
也因泣下王曰弟無慮我且富貴忍使在此落拓乎伏

大同府志

卷之三

人物

六

玘歛涕酌酒爲壽三飲數盞卽覺微醺顧謂伏玘吾欲
至爾家少坐佯辭不得至則拜見伏玘妻女如家人歡
呼曰二嫂取好酒來吾與弟飲當以盡醉爲期且命健
兒取金遺之伏玘妻酌獻巨觥出禮健兒薄暮皆醉倒
偃臥伏玘與同行三卒將椎劈其兩臂並四健兒縛送
總戎覆核無僞檻詣京師上大悅置之法傳首九邊授
伏玘正千戶世襲金千兩三卒各百金官百戶

見省志
按宣化

府志人物傳作西寧縣
水地堡人姑存以俟考

武世舉大同人舉萬歷己卯鄉試授信陽知縣陞運同居
父喪哀毀五日不食繼以嘔血事祖母與母備極孝養

所得廉俸盡爲一門婚喪資歸之日甘心食貧杜門二十六年卒年八十

田盛應州諸生家有傭能賃酒舍客時有平陽糧長十數人者舍其傭其牀頭有糠困焉一糧長醉枕所囊三百金臥牀上金漸墮困中旦起十數人者行亡金者亦行計惟同行者攜之矣及輸官始知金亡亡金者欲死十數人者慰之共貸金輸官復歸舍其傭見向所臥處太息言亡金事乃盛則先從困中見金知糧長所亡也追之度其去已遠且封識待還至是盡予之亡金者欲以半謝盛笑曰一半何如三百多也固却不受

大同府志

卷之三

人物

九

王憲武山陰諸生志操方嚴不喜聞人過遇利濟事輒慷慨赴之嘗返外家裝貲卻從兄絕產全難婦贖人妻子義行指不勝屈甲子以貢待次聞子家屏秋捷遂歸行誼益高累贈東閣大學士

沈文義大同人嘗以父病走恒嶽祈代果獲疾痊生平讀書好義置莊田五十畝助族人貧不任婚喪者有商文恪輅嘉其行誼爲立傳

李雲鳳靈邱人嘉靖間兵防乏餉鳳以布衣持數百金走大同犒軍事聞旌表

李滿大同人孝悌力田與人無忤見人有急輒罄所有濟

之歲大饑出穀爲賑夜夢神人語之曰帝鑒爾德後且貴一子承弼承式果相繼取科第

武進儒廣靈人萬歷間大饑進儒出粟千斛以賑有司旌其門

陸應祥大同人兄弟俱早歿祥以一身拚擋家務男婦百口衣食必均人各授以事不令曠廢所得升斗尺寸毫不入私橐歷四十餘年六世同居人無閒言時方之張公藝云

趙榮貴麻登雲俱大同人榮貴事嫠母張跬步不離母疾判股進之終不起哀毀廬墓成疾而卒登雲父剛患寒

大同府志

卷之三

人物

疾醫曰糞甜則愈嘗之苦哭赴城隍祠祈以身代父思肉食割股以進疾遂愈應州人唐鑑官都指揮亦割股療母疾

梁祥山陰人修葺孔廟及城隍諸祠胥捐已資人服其義子睿亦以清白稱

高邦暨大同人代府儀賓隱居自適多義行所居毗連縣學有司謀拓學舍撤其宅益之竟不受價

孫震渾源人性至孝父病籲天請代父愈已而母病割股進母母亦愈父母俱享耄年至其孫逢吉成名官布政焉

張錦山陰人年二十八喪耦子甚幼日煦煦相依以迄成
立終不再娶嘉靖間有司旌其門 同人陸輔剛直好
義年三十妻死不再娶獨居四十餘年而卒

成以簡字可臨其先文水人徙居山陰至中丞祥符祥符可
子三長以蒙孝廉次以愚諸生季卽以簡也幼喪母撫
於繼母周年十六食餼父卒以蒙繼亡以簡事繼母如
嫂盡誠敬撫兄遺孤成人好客喜施予急人患難里中
豪猾侮善良力爭之雖挫折不回邑人王濬初爲作傳
朱充燿廷姪鼎爨俱代府宗人也充燿字淑川七歲入後
棟卒哀毀如成人事母克孝母歿廬墓三載御史疏聞

大同府志

卷之三十一 人物

三

賜旌表廷姪亦早孤事母備極孝養言及父輒嗚咽終
日萬歷間旌鼎爨奉國將軍父病嘗糞祈身代比之平竭
力治喪葬時雪甚仰天哀禱忽得晴霽事母以孝聞詔
賜四品服金千兩

王琳字獻雍大同貢生有學行事繼母撫幼弟以孝友稱
賑饑掩骼人多其高義

賀魁大同縣廩生天性孝友家極貧教授生徒供甘旨有
餘以周族人婚喪之事多所藉賴焉

武彥爵大同冠帶總旗母疾呼天求代尋疾愈比卒哀毀
廬墓三年馬壁山陰人父卒廬墓事繼母以孝聞

王志仁懷仁人有孝行父母不睦竭力調持母
藥比卒哀戚二年父性甚嚴而特憐其孝云

李夔懷仁人家貧親老以貢任潼關訓導旋乞歸
廬墓側避盜匪入城曰某不敢以父母遺軀恣
也既謚復廬墓終喪子某官叅議

董苞廣靈諸生父宗顯令冠縣父卒哀毀骨立推
事繼母如所生以孝友著由貢生官壽州判

趙昌齡廣靈人母卒廬墓三年後由貢生歷知封
二縣有廉能聲

杜廷相大同人涉書史通曉世務嘗言臨民之事
大同府志

卷之三十五 人物

可勝吾姑爲其藏者遂絕意仕進隱於農嘗拒
金人以此重之鄉人有不平輒就質無不愧服

左孔式應州人慷慨好施予鄰有鬻宅於式者
無所依式憫其貧寒仍以原宅居之焚其券人

輒傾橐以濟晚年家漸落而好義不倦予光圖
胡登應州貢生官鎮江經歷父世嚴居塞外登出

以歸崇正間與劉大順董則成捐金給夫守城人
多其義年八十卒

劉大順應州庠生慷慨好義崇正
署西路篆人心洶洶大順倡議與同邑胡登董則

金散粟募丁壯守城卒恃以無恐則成萬歷間真官宜君縣丞

紀熊陽和衛人事母李出告反面兩兄早歿能曲慰母意及卒哀毀骨立三年無喜容妻薛氏亦有孝行熊後官雲石堡操守

郭璘大同人性孝闖賊勒餉代父受刑父名大貴官鄆縣丞多義行鄉里稱爲善人父歿璘廬墓三年

國朝

王逢泰大同縣拔貢生世讀書以惇義聞幼時父之雲攜其兄出遊獨與母楊居姜瓖之變母死於井逢泰泣血

大同府志

卷之三 人物

三

殯母訖徒步數千里訪父兄倏遇父金陵父言汝兄奄迹逢泰聲淚俱咽尋奉父歸里父年八十餘以壽卒逢泰詣墓下輒攀栢哀號不能止沒齒不衰前太守葉著孝子傳以風焉

仝觀吉廣靈人性慷慨武健絕倫順治五年姜瓖據大同廣邑土豪李青倡孽聚眾攻城倉猝無外援城幾陷時大兵駐雲中觀吉夜縋西城下持短兵走山谷直抵幕府以急告遂發騎兵馳往觀吉爲鄉導一晝夜駐城西嶺往返未三日行五百里勇氣百倍抵城下大呼曰天兵至矣縣令率民兵開門奮擊與援兵合賊黨悉竄擒

青等斬之城賴以完

楊宦大同許堡村人慷慨好義多膂力順治戊子姜逆黨恣行擾掠宦憤甚潛結里中少年奮白梃乘懈擊殺賊數人乃散走村民獲安嘗捐金修建神泉河橋城隍文昌祠周卹貧困助人婚喪不可枚舉耆老至今稱述之孫培初以吏除江西龍泉縣北鄉司巡檢有能聲

姚洪烈山陰貢生倜儻慕義時值兵餘祠廟多圯敗洪烈倡義募修獨出已資數百金葺文昌祠里人重之後官山東登州府同知有善政

仝勳字良棟大同人父應實遠去鄉里勳方髫髻稍長卽大同府志

卷之三

人物

三

辭母求父匍匐數十里徧歷三吳兩粵間知父已歿號泣負骸骨歸母郝苦節終身勳竭力奉養宗黨稱孝焉武崑齡大同人幼孤隨兄奉母遷畿南年十五母卒扶柩歸葬遍覓父塋號泣數日乃得遂以合葬修學宮周貧乏又多義行焉後官天津守備

韓大德廣靈人孝子一歐族子也一歐無子以大德爲後應分貲產值數百金族人議授之大德曰爲孝子後必分田產是義以利掩矣不受遂窮約終身

于懷漢懷仁人事母以孝得旌又多義行撫孤姪設義學贖人口周貧乏樂善不倦康熙田辰歲饑蠲賑千石全

活無算子應心好義有父風

靳皇柱大同人父希林多行善事皇柱承父志好義益力
康熙三十八年大疫煤窰備率六七人聚一土室病者
恐轉相染輒掖出之多野死皇柱別構窰房數間以棲
病者而雇人煮糜粥餉之多所全活又置地二十畝爲
義塚後長子之璠膺選貢次子之璵中康熙癸巳武舉
以爲行義之報云

鄧有聲字子駿靈邱諸生事母以孝聞順治間經姜逆之
變繼以歲歉族人某售荒地償賦無應者書左券竟付
有聲孳妻孥避去有聲代納五年逋會蠲糧豁徭地值

大同府志

卷之三十三 人物

三五

增培乃召某歸焚券還之人服其義

劉國盛渾源州諸生性好善順治閒有榆鎮宋文興者給
事副將鮑虎幕下爲同伴擠陷坐贓二百金誣服下獄
越三載無抵國盛密察其寃代償五十金事得釋借妻
子生還

樊榮大同人候推守禦所千總天性孝友父棄孀妾於外
旣而生男父歿收養之至於成立他若施藥施楫修橋
梁焚契券好善不倦甚爲鄉里所稱兄泰亦慷慨尚義
城西小站口至雲岡二十里山路嶮巖南則河壩泥淖
行旅病涉泰倡義捐資修石棧工未半而歿榮竭力踵

成之至今利賴

魏正心懷仁人性仁厚孝友善事養嫂撫幼姪有恩康熙
間由歲貢知沐陽縣號爲循吏及解組歸足不履公庭
歲歉分食米煮粥活人捐貲掩骼幣代完族人徭賦義
不勝紀年至九十卒

陳嘉猷渾源貢生性嗜義不苟取一日道中拾遺金二百
八十兩坐以埃之旋見有緣道來者鬱鬱不自得嘉猷
不言堅坐少頃其人歎息泣下因亟問君何苦其人爲
言失金狀數適符則亟慰之曰無憂金故在君速持歸
遽付之其人感謝固請姓名嘉猷一笑而去

大同府志

卷之三

人物

三

吳之琳陽高諸生以孝友旌兄子振宗早夭母老子幼琳
爲經紀其家二十年無間言有徐某者寄金百兩其家
人不知也徐死召其子還之又嘗拾還遺金人稱其義
廣靈人藺朝海大同人王訓皆有拾還遺金事

張光璧字次侯大同諸生生十一日而母韓卒繼母鄧不
答於其父光璧方九歲在外塾心動趨歸則鄧將投繯
矣急抱持一慟幾絕鄧感其誠爲不死後鄧以疾卒父
又娶宗氏宗卒娶致氏光璧事之益謹致有一弟一兄
女俱幼無所倚光璧體母意勸父收養之致善病光璧
泣曰父老矣飲食寒煖賴吾母卽不起如吾父何禱於

神祈以身代竟得瘳已而光璧以積勞成痼疾將革猶呼其子惓惓以父母後事爲囑乾隆五年旌表孝行

王印字君璽大同人少孤貧孝以奉母母痼疾頻年呻吟之聲常達旦印籲天求代聞文水縣善醫者匍匐千里往爲之請厥疾乃瘳城東李王澗村民某鬻妻償逋慨然解金贖還敦行樂義類如此子廷彥忼慨有父風

薛宗堯大同縣善力村人家世農業年十二見其父力苦輒請代父不許後復固請父曰兒幼第工半他備足矣乃喜終日操作不少輟工顧倍焉旣長力任耕作不令老父親胼胝事儉歲甘旨無缺父邁疾左右侍奉目不交睫者累月比歿號慟絕而復蘇猶力疾營殯葬甫畢嘔血而卒

陳竹渾源人少孤貧有弟散失走萬餘里尋覓數載卒遇以歸經營辛苦家稍贏好善不倦巡檢葉某罷去妻棺寄僧舍不蔽風雨竹爲擇地厝葬後二十年葉二子來歸母喪竹更厚助之乾隆十四年學使者德給匾旌其間

楊光烈大同人以耕讀養親喜緩急人不避勞怨會歲饑乏食里民范某閻某將鬻妻爲苟活計光烈勸阻之量給錢米范感悔而閻不從乃詣縣白其事予閻杖并罪

買者自是鬻妻之風息縣令嘉其公義給額旌獎

戴爾誠大同人父之明白徐溝來徙母喪廬墓喜施予以孝義稱爾誠孝性天至侍父疾歷年無倦色及歿扶服頓踊晝夜號哭幾滅性母泣諭之乃止母歿哀毀如父喪里人趙某傭於外妻死子幼貧無以斂予之棺婢紅兒者及笄而姝擇佳耦資而嫁之築孤店村河堤立畱養局皆捐貲爲鄉里倡能以義行世其家云

王廷弼字鼎臣大同縣貢生性孝侍母疾五載罔懈宗黨稱之尤好施急人患難有貲財不償者輒還其券乾隆庚辰歲歉捐資助賑居鄉醇謹謙退以書翰自娛晚年

大同府志

卷之三

人物

三

舉鄉飲賓五世同堂人謂厚德之報

程應愛天鎮姜后屯人五世同居治家有法度知縣張坊改其所居爲義門村同縣宋朝恩六世同居陽高人曹更新七世同居俱有江州陳氏遺風

孫光正大同人年二十父母並歿讓田產於兄而自傭販繪家旣而往來瀋陽經營貿易者十餘年積貲漸饒而販繪家中落虧董姓母金盈十光正慨然償之人服其義

趙敏大同人孝友性成與弟達昇親愛無間兩弟俱早世撫育孤寡恩義備至每製一衣嘗一襦必先兩姪而及

其子至課令誦書習騎射稍怠必督過之不少假顏色也後姪登元登高並由武進士起家子登峻亦舉於鄉郭淵大同縣庠生事父母以孝聞家素封而行義不怠族黨貧乏者多賴焉乾隆庚午歲饑居民乏食淵出粟千石輸之官按口借給全活甚衆凡有緩急無弗予晚年積券盈篋度不能償者悉召至前對焚之曰毋貽他日爭端也有司高其義給匾獎勵

郭養吾山陰安銀子村人縣境桑乾河自河陽堡南經流村外夏雨水暴漲勢甚洶涌養吾出貲數百金建橋其上長六十餘丈行者賴之

大同府志

卷之三

人物

三五

燕奇大同人居積頗饒裕而樂善好施修十里河橋築煙嶺村壩鄉民李某已聘而貧不能娶奇贈金俾得婚配焉王某父故露尸無以葬奇買棺殮殮之前令胡方騰爲作燕義士傳子世德貢生承父志築黃崖堤壩水不爲患貧人閻某將鬻子求食世德量力賙給之父孑賴以完聚雍正十年前令陳世寶舉充鄉飲賓

李遇春字長青大同縣人性慷慨多膂力急人患難雍正間偕數十人行有寶元號者亦行至一谷口與羣竊遇遇春等鼓而待賊捨之去衆皆喜遇春日賊以我衆不敢逼寶源在後人寡必不免且與人同行而不同患非

夫也躍馬追三四里及之發矢斃一賊餘皆遁去義聲聞於遠近

仝有恒字樂田大同人孝子仝勳之子也家貧服賈養親往來燕趙間積十年漸致饒裕性慷慨喜賙卹同里某孀妻孥入都無所遇落魄瀕死一女鬻豪家矣亟解囊代償觸豪怒幾爲所窘辱賴太原楊御史雅重有恒力左右之卒贖以還鄉人客京師者病施藥歿致賻解衣推食指不勝屈其篤於桑梓誼如此子瑞邑博士弟子以孝聞而好義尤篤縣學宮牆久不修治至乾隆庚寅辛卯間傾圮殊甚會當事者議修葺瑞率勸紳士捐貲佐理不避勞怨廟貌煥然一新

大同府志

卷之三

人物

三

郝敏學字時甫懷仁人早孤母王氏苦節教養因感泣發憤讀書弱冠有聲膠庠間後久躋場屋而文行益醇乾隆丙子以歲貢任翼城訓導秉鐸六載士多所成就初有弟在襁褓撫養成立家產悉推讓之人高其義

周光宗山陰歲貢居鄉賙卹鄰里信義可風任朔平府訓導以誘掖後進爲心捐貲建義學從遊嘗數十人多所造就年七十餘告歸卒子尙赤歲貢有孝行

郭曰字盛之大同監生性孝友喜施予年二十喪母事繼母生養死葬盡禮盡哀多有不知其爲繼母者撫堂弟

遺腹子俾成立爲娶婦置產不啻已出康熙辛卯歲歉鄉里數十家窮乏不能自存昌捐積粟量口賙給清源耿某貿易虧貲窮困欲死昌憐之義贈百金不責其償也後耿營運獲大利每對人頌昌之厚德云

苑扶龍大同縣人年十五父歿祖父母老母嫠居家貧乏子身任勤苦奉養兩世已食嘗不飽而甘脆無缺祖父母相繼歿柴毀骨立以母命節哀有八子漸長家愈貧孝養愈篤母歿日夜哀號竟成痼疾偃臥數載而卒

張瑛大同人性仁慈輕財尙義少以目疾廢書遇貧士膏火不給樂仗助焉嘗買一婢甫八齡憐而女畜之越六

大同府志

卷之三

人物

三

載其父持銀來詰銀所自則轉賣作妾叱之去亟爲擇偶晚歲家漸落有旁屋數間屠羊者賃爲肆可獲二十緡瑛曰若歲剝羊以千計皆生入吾門而死出之吾不忍見也謝却之屠者爲之改業

鄧開先字道原靈邱庠生性孝友尙義嘗拾遺遺金父卒二弟俱在髫髻教養成立事母先意承志居母喪柴毀幾滅性舅氏家甚貧歲歉迎歸并養育表弟妹數年爲婚嫁縣令徐重其爲人給匾旌異之年七十卒

曹德陽高人前明總兵安裔孫髫年失恃父三娶事繼母以孝聞長而力農以節儉自持稍羸則振其鄉黨親串

絕無德色貧狹賴以濟者甚眾臨沒出借券數十紙焚之
之人益高其義

王保彝山陰諸生性至孝家貧供母必備甘旨母病籲天
求代及卒廬墓終其喪

崔德字慧菴山陰監生居大同賣藥濟人事繼母以孝聞
母病日夜侍左右奉湯藥親易燥濕逾年無倦嘗因乏
嗣買一妾嫠婦也將行姑媳相持慟乃自鬻爲養姑計
非願嫁者亟止勿行棄所買金且倍遺之曰不如是恐
婦姑終不得相保也前太守史聞其事給匾旌獎乾隆
癸巳舉鄉飲賓卒年七十有一

大同府志

卷之三十五 人物

三

田佳富懷仁人父發家甚貧入市逐微末自給富兒時見
老父冒雪任勞苦輒涕泣請代父母相繼臥疾左右侍
養衣不解帶者五六年旣沒飲食必薦久之猶泫泫然
淚下女兒適楊而寡貧不能自存急迎歸撫兩甥成立
從兄佳年歿經紀其家與弟佳貴尤友愛無間乾隆二
十九年以孝旌

蕭威大同人天性孝友年十三母氏見背事繼母劉先意
承志劉氏嘗語人曰兒孝如此奚必出腹子哉服賈養
父母不有私財撫小弱弟成立同居共爨終其身乾隆
二十三年舉鄉飲賓

孫正忠大同人幼貧以傭賃奉母兄盡孝養性勤儉尚義積貲稍裕輒喜緩急人有盧姓者賈七年不歸母老貧不能活受錢一十緡將醮其媳正忠如數遺之令勿嫁未幾而盧還雍正間歲饑日施米五升以盡爲度後雖有年亦如之四十餘年無間年逾九十而好義彌篤云劉吉忠懷仁武生母歿勺水不入口父諭之食乃稍進饋粥父遭疾醫藥罔效祈天願以身代果獲瘳嗣是跬步不離父年七十三以壽終吉忠已五十餘孺慕如嬰兒旣葬廬於墓側哀感道路年逾八十而孝思弗衰

萬思榮大同人天性友愛同胞六人思榮最幼事諸兄無

大同府志

卷之三

人物

三

聞言叔兄早世遺女方襁褓撫如已出歲饑破產調濟多所全活年逾八十而好義彌篤同縣石國璉亦以義行聞於鄉

陳二嘗爲大同得勝路兵丁目不知書性甚孝父卞急小過輒鞭扑必長跪受責每入值官府或齎文書他往必告父母依依不忍舍長官聞而重之不令遠役也父患噎藥餌不能下旦起焚香籲天引佩刀割股肉糜粥進之母病復刲臂以進皆獲痊迄今癩痕宛然見者歎其本於至誠故感應如此

段成寬陽高人少孤貧力耕養母撫幼弟有恩中歲以勤

儉起家布衣蔬食不妄費一縑人有緩急必應乾隆己卯庚辰間饑歲鄰里乏食成寬出粟數百石計口分贍賴以全活者八十餘家有司聞而義之舉鄉飲賓子治國武生亦有義行

張仰賢大同人嘗居懷仁之碾窰村以陶埴爲業四老山地磽确又早霜秋賦無抵偏災例不得援免村民苦之仰賢出已貲詣縣盡數代納以義稱方九歲時祖父父母相繼歿與弟妹依祖母姚伶仃孤苦越數年姚歿喪葬盡禮弟妹俱婚嫁家計漸饒而助人之婚喪食人之孤寡大懷兩邑爭述之

大同府志

卷之三十一 人物

三

李殿廣靈縣梁家莊人平生與人無競遇殘廢癱病量力救濟嘗於村東鑿一土窰冬置火夏置水以濟行人皆親執勞役歷年無倦一鄉稱爲善人

康萬倉大同人敦睦孝友父性嚴急萬倉已抱孫怒輒撻之流血猶作嬰兒啼孺慕弗衰族弟萬訓伯仲幼孤值歲饑推食撫養之桑梓戚好聞慷慨施予至今稱者噴噴

景守德陽高人性孝家赤貧歲歉茹菜食糠覈而父母饑必精潔承歡養志有古人風終身不涉訟庭不與人爭或詈之則敬謝曰恐辱親耳有司給匾獎勸予粟帛

宋琦大同人家貧與兄璟竭力奉母既而兄歿恐傷母氏
心孝養益至撫從孫德成人孝友傳於閭里母年九十
餘琦近七旬一堂五世有雍睦之風

藝術附

周

姑布子卿見趙簡子簡子徧召諸子相之子卿曰無爲將
軍者簡子曰趙氏其滅乎子卿曰吾嘗見一子於路殆
君之子也簡子召子毋卹毋卹至則子卿起曰此真將
軍矣簡子曰此其母婢也奚道貴哉子卿曰天所授雖
賤必貴自是之後簡子盡召諸子與語毋卹最賢簡子

大同府志

卷之三

人物

三

乃告諸子曰吾藏寶符於常山上先得者賞諸子馳之
常山上求無所得毋卹還曰已得符矣簡子曰奏之母
卹曰從常山上臨代代可取也簡子於是知毋卹果賢
乃廢子伯魯而立毋卹

漢

昌容常山道士自稱殷王子食蓬萊根往來山下見者三
百餘年顏色如二十許人

茅盈字叔申生於漢景帝中元五年年十八棄家入恒山
修道餌木後師王君因西至龜山歸至恒山北谷時年
四十九至宣帝初元四年上昇弟固衷亦成仙稱三茅

真君

黃安代郡人貌常若童子服被冠履皆赤冬不裘坐三尺
尺神龜時人問坐此幾年矣曰昔伏羲始造網罟獲此
龜以授吾吾坐龜背已平矣此龜畏日月之光三千歲
乃一出頭我得龜以來已五出頭矣行則負龜而趨武
帝聞其異每屈禮焉及封泰山詔董謁李充孟岐郭瓊
黃安五人同輦謂之五仙臣後不知所之

北魏

高崇祖恒州人善天文每占吉凶有驗永安中特除中散
大夫

大同府志

卷之三十一 人物

三

江式字法安世傳蟲篆詁訓祖彊自涼州內徙代京上書
三十餘法各有體例官中書博士式少專家學嘗夢兩
人時相教授及寤每有記識拜符節令以書文昭太后
尊號謚冊特除奉朝請式篆體尤工洛京宮殿諸門板
題皆式書也依許氏說文爲本撰集字書號曰古今文
字凡四十卷正光中累官驍騎將軍兼著作佐郎兄子
征魯將軍順和亦工篆書

李脩字思祖本陽平館陶人晚入代京歷位中散令太和
中常在禁內侍鍼治多有效集諸學士及工書者百
餘人在東宮撰諸藥方百餘卷皆行於世先是咸陽公

高允雖年且百歲而氣力尚康高祖文明太后時令診
觀之一日奏言允脉竭氣微大命無遠未幾果亡遷洛
後領太醫令

蔣少游本樂安博昌人配雲中爲兵性機巧頗能刻畫有
文思遂畱寄平城以備書爲業被召爲中書寫書生用
高允薦補中書博士及詔尙書李冲等議定衣冠於禁
中少游巧思令主其事後於平城將營太廟太極殿遣
少游乘傳詣洛量準魏晉基趾高祖修舡乘除都水使
者遷前將軍兼將作大匠仍領水池湖泛戲舟楫之具
及華林殿修舊增新作金墉門樓皆所措意尋兼太
大同府志

卷之三

人物

三

常少卿都水如故嘗爲太極立模範與董公王遇等參
建之未成而卒

法果趙郡人誠行精至開演法籍太祖聞其名詔以禮徵
赴代京後以爲道人統綰攝僧徒每與帝言多所愜允
供施甚厚至太宗彌加崇敬永興中前後授以輔國宜
城子忠信侯安成公之號皆固辭帝嘗親幸其居以門
小狹不容輿輦更廣大之年八十餘泰常中卒追贈老
壽將軍初法果每言太祖明叡好道卽是當今如來沙
門宜應盡禮遂常致拜謂人曰能鴻道者人主也我非
拜天子乃是禮佛耳法果四十始爲沙門有子曰猛詔

令襲果爵

惠始姓張家本清河聞羅行出新經遂詣長安坐禪於白渠北劉義真鎮長安及察佐皆敬重焉赫連屈丐追敗義真惠始體被白刃而不傷屈丐以寶劍擊之又不能害乃懼而謝罪後至代京多所訓導時人莫測其迹世祖甚重之惠始自習禪至於沒世五十餘年未嘗寢臥或時跣行雖履泥塵初不污足色愈鮮白世號白脚師太延中臨終於八角寺齋潔端坐僧徒滿側凝泊而絕停屍十餘日容色不改遂瘞寺內至真君六年制城內不得畱瘞乃葬於南郊之外死十年矣開殯儼然送葬

大同府志

卷之三

人物

三

者六千餘人中書監高允爲傳頌其德迹

曇曜有捺尚爲恭宗所禮先是太武滅佛法曜誓欲守死恭宗親加勸諭至於再三不得已乃止密持法服器物不離身高宗踐極復佛法曇曜自中山被命赴京值帝出見於路御馬前銜曜衣時以爲馬識善人帝後奉以師禮曇曜白帝於京城西武州塞鑿山石壁開窟五所鑄建佛像各一高者七十尺次六十尺彫飾奇偉冠於一世曇曜奏平齊尸及諸民有能歲輸穀六十斛入僧曹者卽爲僧祇戶粟爲僧祇粟至於儉歲賑給饑民又請民犯重罪及官犯以爲佛圖戶以供諸寺掃灑歲兼

營田輸粟高宗並許之和平初代師賢爲

天竺沙門常那邪舍等譯出新經十四部

寇謙之字輔真早好仙道服食餌藥有仙人成

謙之家謙之算七曜不了興曰試隨興語布之俄然便
決謙之歎服請師事之興固辭不肯但求爲謙之弟子
共入華山繼入嵩高止石室中採藥而食閱七年興謫
滿去謙之守志益堅神瑞二年十月乙卯忽遇天神乘
雲駕龍集山頂稱太上老君授謙之天師位賜雲中音
誦新科之誠二十卷號曰並進言吾此經誠今運數應
出汝宣吾新科清整道教并投服氣導引口訣之法泰

大同府志

卷之三 人物

三

常八年十月戊戌有李普文來臨嵩岳云老君之元孫
昔居代郡桑乾以漢武之世得道爲牧土宮主遺授謙
之錄圖真經令佐北方太平真君出天宮靜輪之法能
興造克就則超真仙矣始光初謙之奉書獻之世祖令
止於仙人博士張曜所供其食物時朝野聞之若存若
亡未全信也崔浩獨異其言師事之受其法術於是上
疏讚明其事世祖乃使謁者奉玉帛牲牢祭嵩岳迎致
其餘弟子在山中者於是崇奉天師顯揚新法宣布天
下道業大行及嵩高道士四十餘人至遂起天師道場
於京城之東南重壇五層遵其無經之制給道士百二

十人衣食齋肅祈請六時禮拜設廚會數千人世祖將討赫連昌問幽徵於謙之對曰必克果定夏國真君三年謙之奏造靜輪宮必令其高不聞雞犬聲欲上與天神接功未成九年復遇設會日謙之令更布二席於上師坐前弟子問其故謙之曰仙官來是夜卒須與口中氣狀若煙雲上出窻中至天半乃消屍體引長量之八尺三寸三日後稍縮至斂裁長六尺諸弟子以爲尸解云

李皎中山人爲寇謙之弟子服氣絕粒數十年隱於恒山年九十餘顏如少童一旦沐浴冠帶端坐卒

大同府志

卷之三

人物

四

唐

張果不知其鄉里世系嘗居恒州山中開元中元宗令通事舍人裴晤往迎見晤輒氣絕仆久乃蘇晤不敢逼馳白狀帝更遣中書舍人徐嶠齎書邀禮乃至東都舍集賢院肩輿入宮親問治道神仙事果善息氣能累日不食數御美酒嘗云我生堯丙子歲位侍中時有邢和璞者善知人天壽師夜光者善視鬼帝令和

堯生

然莫知其端帝召果密坐使夜光

謂高力士曰吾聞飲葷無苦者

進頽然曰非佳酒也乃寢頃

意擊墮之更出藥傳其斷良久齒已生粲然駢齒帝益神之欲以玉真公主降固不奉詔懇辭還山擢銀青光祿大夫號通元先生賜帛三百匹給扶持二人至恒山未幾卒或言尸解帝爲立棲霞觀祀之

管草趙人少好道不事耕鑿多遊趙魏間性不好謙恭而公反辨慧遇張果先生先生招之曰來管草草曰爾誰耶曰我張果先生也草乃曰張果何呼我也果曰人間帝王且我敬爾豈不我敬也草曰我非帝王又焉能敬爾也果因命之同遊恒山草從之果擲所策杖變一青牛令草乘之入恒山登絕頂坐而問之曰人間之貴雜塵

大同府志

卷之三

人物

聖

中之苦惱春秋之榮謝老少之逼促爾盡察之也何久遊趙魏不遠遊四極趙魏兵馬之郊也非道人所宜遊草對曰爾何爲出於趙魏之間也唯道人不隨土地而化我遊趙魏之間與遊玉清蓬瀛等若必以四極爲遊以我匹夫爲賤呼我之姓名復期我之敬待猶俗情也我無俗情又奚以遠遊爲果笑而不應草遽起不辭而下因結茅於山中居之後不知所終人或見之於稽山負局先生語似燕代間人嘗負磨鏡局狗吳市街磨鏡一錢因磨之輒問主人得無有疾苦者出紫丸藥與之得者莫不愈如此數十年後大疫活者萬計不取一錢吳

人乃知其真人也後至吳山絕崖頭有求藥者懸而與之將去語人曰吾還蓬萊山當爲汝曹下神水崖頭一且有水白色流從石間來服之多愈疾立祠十餘處誠慧靈邱李氏子其親禱於臺山而娠長不願娶從五臺真空院法順和尚披剃東臺東有龍池滋患誠慧攜淨瓶錫杖廬其側呪之卽入瓶風雷皆寢居七日乃草心焉白光洞室遂釋之乘風雲而去嘗誦華嚴於李牛谷有五六儒服者來坐聽或持異花鮮果而獻怪問之答曰某山神也願充執侍誠慧捨而他適同光元年莊宗製書并紫衣賜之崇號廣法大師固辭不受再降敕諭大同府志

卷之三

人物

聖

誠慧聞命卽囑累門人吉祥而逝壽八十諡曰法雨大師塔號慈雲

遼

劉哲字元英號海蟾子一名操明經事燕王劉守光爲相雅喜性命欽崇黃老一日有道人自稱正陽子來謁海蟾待以賓禮道人爲演清靜無爲之宗金液還丹之要竟索雞卵十枚金錢十文一文置几上累十卵於金錢若浮圖狀海蟾驚曰危哉道人曰居榮祿履憂患其危殆甚盡以其錢劈破擲之辭去海蟾大悟解印從道遁迹終南山下丹成尸解有白氣自頂門出化鶴冲天新

興古志海蟾廣陵人爲遼相後改名海今廣靈卽古廣陵縣也

金

圓滿西京大普恩寺僧天會中修建寺宇功行精勤江東朱弁爲之記

元

孫威渾源人幼沉鷲有巧思元初雲中來附守帥表授義軍千戶從軍攻潞州及鳳翔皆有功善爲甲嘗以意製蹄筋翎根鎧以獻太祖親射之不能徹大悅賜名也可兀蘭佩以金符授順天安平河南平陽諸路工匠都總

大同府志

卷之三

人物

四

管太祖嘗問諸將衣其甲者曰汝等知所愛重否諸將對皆失旨太祖曰能捍蔽爾輩以與我國家立功者非威之甲耶而爾輩言不及此何也復以錦衣賜威每從戰伐民有被俘戮者輒以蒐簡工匠爲言而全活之卒贈中奉大夫武備院使

孫拱威之子初拜監察御史襲甲匠都總管巧思如其父嘗製甲二百八十襲以獻至元十一年別製疊盾其製張爲盾斂則合而易持世祖以爲古所未有賜以幣帛丞相伯顏南征以甲胄不足詔諸路集匠民分製拱董順天河間甲匠先期畢工且象虎豹異獸之形各殊其

製皆稱旨十五年授保定路治中甚有惠蹟歷武備少
卿大都路軍器人匠總管陞工部侍郎大德九年爲益
都路總管兼府尹卒於官

孫公亮渾源人世業造甲元初授諸路工匠總管少有偉
畧練習國典承父蔭佩銀符上章請設御史臺以正紀
綱遂拜監察御史職滿憲長奏公亮供職無私可再任

累遷至行工部尙書致仕

按元史渾源人孫威威子拱
俱見工藝傳並不載孫公亮

而省志舊志州志俱載之其歷官御史工部大
畧與拱同疑公亮卽拱之字耳姑存以俟考

李溥光大同人幼出家爲僧號雪菴和尙喜讀書經傳子
史無所不窺善詩工書法遒勁有致一時宮殿匾額皆

大同府志

卷之三十三 人物

四

出其手至元間詔蓄髮授昭文館大學士有雪菴集帖

傳世

舊志誤
載入明

印簡俗姓宋世業儒年十一祝髮佛書無所不通及王公
問治民道必以儒術爲先後遊雲中住華嚴寺年五十
六示寂茶毘日煙焰所至皆成舍利

張可曇雲中人生於世祖初幼好道棄家業雲遊山水間
年幾百歲童顏不衰過交城止棲霞觀嘗作偈云清風
常在伴明月幾時休去去依然在呵呵一石頭人呼爲
石頭道人時值重陽語衆人曰明年此日我乃與汝等
別矣至期果尸解時至正元年九月九日也

明

王應元字象元大同人幼習舉子業既而棄去專精古人書帖楷書出入歐虞褚薛諸家自成一格草則力追王內史奕奕有生動氣小而蠅頭大而徑丈靡不精妙晚年益耽禪理

朱遜焯號草軒代王桂子善肇窠大書尤工寫竹時共珍愛之焯孫冽泉者逸其名亦善畫竹學夏太常景頗造其妙

劉橋東大同人遇異人授皇極數遂精卜筮能預知來問人姓名及富貴貧賤爲人談休咎多奇驗巡撫賈召試

大同府志

卷之三

人物

三

其術指座上少年問之按其數曰針工也屢試十不失一大同人王宇方爲諸生爲占一數曰時惟辛卯歲折得桂枝歸已而果然

李春先大同人世爲雲中名醫精研脉理全活多人趙代間呼爲李仙

朱廷雅字恒源號古淮山人代府宗人也甚有巧思能集晉唐諸家書刻之咄咄逼真尤工摹勒右軍行書邊旁湊合轉折向背毫髮皆肖足跡半天下所至必有手蹟峨嵋山銅碑尤推獨絕

任榮大同人世業醫至榮益精尤好神仙術宏治元年年

六十無疾卒踰年鄉人陳守過陳州見榮施藥市口大驚曰公無恙耶榮笑曰然固未死也嘉靖壬辰大同黃令妻父張遇道人於伏牛山曰我大同任榮也公去某日當與小孫會幸傳道之異曰張果晤其孫言盡符萬歷二年大同張省祭抵湖廣艾御史所艾家人經武當山見草菴中道士兀坐謂之曰爲我告張省祭歸語任榮子孫榮侯宮殿畢或當歸也言畢忽不見凡三露踪跡云任服遠者榮之後亦以善醫稱有人病垂死脉絕醫相顧愕眙莫敢措手服遠最後至診之曰此轉關脉也脉在肘間一藥而愈其神妙多類此

大同府志

卷之三

人物

異

連步雲陽和木工也異人授符咒禱雨立應耳著銅環袖核桃搖動應聲起霹靂沾足乃止隆慶末大澇雲令家設鍋蓋於門蒙以白紙上書青天白日不三日遂晴病者乞符多愈萬歷時老人胥能言之

韓守陽陽和杏園村人貌甚陋語言不倫常若顛魔狀每到酒家必乞一甌少客弗飲也太師莊劉氏子樗蒲落魄乞憐於守陽令取家中酒壺一夕變成銀時僵臥大雪中蒸汗如雨駒聲聞數十步見者異之後不知所往帥翔應州人景泰時製銃有機頃刻三發及三百步外俱試有驗

王瑛懷仁人學黃老術築室西山之陽去邑百餘里坐臥一小樓日玩煮石飡霞猿經鳥翼之說農圃醫卜無不究心終歲足跡不入城市年七十七無疾而卒

孫勝懷仁半截橋村人少力農目不知書於田遇道士狀貌奇古察其非常人也進麥飯一盂意甚恭是人以袖拂其面忽失所在由是眚亂狂走者數日比醒率口吟咏傾刻可數十首饒有天趣讀書能了大義巡撫王縣令李皆與酬和以詩人待之事在嘉靖初年

壁峯應州祖師院修道有法力再世生於乾州石氏生時白光滿室六歲出家智慧異常聞西蜀如海真公名往

大同府志

卷之三

人物

四

見之遂叅透禪關不復粒食日採松栢啖之真公曰昔吾師無用和尚云座下當出三虎一彪汝其彪耶朔方其道大行遂行脚至雲中先是在定中見一山甚秀麗諸佛菩薩行道其中有招謂之曰此五臺祕魔巖也旣寤盡知來歷因遊五臺山元末賜號寂照圓明大禪師明洪武三年召至南京奏對稱旨賜賚優渥踰二年忽示微疾而逝茶毘於聚寶山火滅獲五色舍利齒舌數珠皆不壞弟子智壽等立碑於應州崔家莊祖師塔院贊善宋濂銘

覺同大同人姓康幼慧讀書過目不忘能文辭尤工臨池

書善化寺讚數千言咸珍爲名翰時人讚曰續佛慧命
湛然清淨遐邇聞聲詩禪草聖大同白衣菴僧方俊通
釋典工楷書寫泥金經百函亦爲沙門所重

一齋大同地藏菴僧持戒律甚嚴終日兀坐一室外別無
所有施金帛多不受受亦隨施貧者不畱其餘或雨雪
則累日不舉火苦行三十年一日沐浴趺坐化

任道一號真空隆萬間居南郭外東嶽廟廡下佯狂蓬垢
與人言喜笑怒罵初若不倫而後皆奇驗以故旗亭肆
館爭延致之至必醉飽歌呼以去亦有招之不就者詭
異莫測將化預期大會跣足登座若有待然良久曰至
大同府志

卷之三

人物

哭

矣乃送二朱履至納履趺坐而逝

瑞雲和尚名照祥幼叅學四方後居天城財神廟於佛藏
書無所不讀文翰尤冠時流年八十餘而神清貌古別
有行藏蓋真有所得者

國朝

常修號潤普大同人本姓楊棄家雲遊山水後卓錫於都
門之愍忠寺苦持戒行日誦法華經一部歷四十餘年
衆請爲大和尚歲傳戒三壇弟子數千人年七十五端
坐說偈而逝

成寬楚南戒僧法子也幼業儒性敏慧通習經典善談元

理乾隆十七年雲遊至五臺道出天鎮止於慈雲古刹
時寺僧照福募貲重修建藏經閣成寬走京師請
頒龍藏經全部貯之四方叅徒雲集宗風大振

王德馨大同人官廣東守備以武科起家而雅好文翰書
法學董文敏大字尤擅場大同總兵官甚愛重之每置
酒高會輒令作擘窠書與酣落筆皆有矩矱今大小教
場碑匾文字及四牌坊字其遺墨也

尺木和尚大同人深於內典率口詩文雖不甚高脫間有
可取近選晉風者錄入二絕句亦有曠澹之味順治九
年忽自營龕墮手書語錄數則而逝

大同府志

卷之三

人物

異

魏清泉號得一結菴恒山之夕陽嶺東通悟仙書布衲袴
膝處皆穿根皮麥菽異餐同飽菴居數十載遊止未越
三百步外康熙時尙在後坐逝及今童子皆知魏道士
云

劉一雲恒山九天宮道士古傲類軒轅彌明不識文字談
山中典故便於轆轤門外多生藥草服食數十年童顏
鶴髮翛然離垢晚歲人罕接之

張文耀字會公大同人因母平氏痼疾頻年潛心醫理卒
致痊可尤精於傷寒診高某起死回生郡人至今頌之
高麟昭松潘總兵鼎第五子隨兄宦見刑鞫人輒掩面流

涕以故不肯仕讀醫書有神解治奇疾多效關南北爭延致之年八十二無疾而卒先一月與家人期如其言張組陽高歲貢世業儒屢試不售退而究心古方書尤善治傷寒深得長沙祕奧活人無算年逾七十精力弗衰

游寓附

漢

向長字子平河內朝歌人性尚中和通老易王莽大司空王邑欲薦之固辭乃止潛隱於家建武中男女娶嫁畢與同好北海禽慶俱遊五嶽竟不知所終

仲長統字公理山陽高平人博涉書記倜儻敢直言年二大同府志
卷之三
人物
辛
十餘遊學并冀間并州刺史高幹袁紹甥也素貴有名招致四方遊士士多歸附統過幹幹善待遇訪以當時之事統謂幹曰君有雄志而無雄才好士而不能擇人所以爲君深戒也幹雅自多而不納其言統遂去無幾幹果至敗并冀之士皆以此異統

楊政字子行京兆人少好學從代郡范升受梁邱易善說經書京師爲之語曰說經鏗鏘楊子行教授數百人范升嘗爲出婦所告坐繫獄政乃內袒以箭貫耳抱升子潛伏道旁候車駕而持章叩頭上言曰范升三娶唯有子今適三歲孤之可哀武騎虎賁懼驚乘輿舉弓射

之猶不肯去旄頭又以戟義政傷胸政猶不退哀泣辭
請上有感卽尺一出升政由是顯名建初中官至左中
郎將

北魏

莫含鴈門繁峙人家世貨殖貲累巨萬劉琨爲并州辟含
從事穆帝愛其才器善待之及爲代王備置官屬求含
於琨與之後琨徙五縣民於陘南含家獨留甚爲穆帝
所重其故宅在桑乾川南世稱莫含壁或音訛謂之莫
回城云

房靈建房靈賓清河繹幕人靈賓文藻不如靈建而辨悟

大同府志

卷之三 人物

五

過之兄弟並以才名見稱靈建宋渤海太守靈賓冀州
治中後魏平齊齊俱入代爲平齊民操尙卓然並卒於
平齊

房景伯字長暉清河繹幕人父徙平齊景伯生於桑乾少
喪父以孝聞家貧傭書自給養母甚謹尙書盧淵稱之
於李冲冲時典選拔爲奉朝請司空祭酒歷清河太守
號循吏後遷司空長史以母疾去官母亡病積年不愈
卒弟景先字光胄幼孤貧無資從師其母自授毛詩曲
禮年十二請其母曰豈可使兒傭賃以供景先也請自
求衣然後就學母哀其小不許苦請從之遂得一衾裘

忻然自足晝則樵蘇夜誦經史自是精勤遂大通贍太和申還鄉郡辟功曹州舉秀才釋褐太學博士累官至東義陽城行臺卒弟景遠字叔遐事二兄至謹撫兄孤甚篤重然諾好施予益州刺史啟爲昭武府功曹參軍以母老不應鄉里語曰有義有禮房家兄弟廷尉卿崔先韶好標榜人物無所推尚每云景伯有士大夫之行業

趙柔字元順金城人也少以德行才學知名河右世祖平涼州內徙代京高宗時歷官河內太守甚著仁惠

陸仲達武威姑臧人少以文學知名涼州平內徙代都司

大同府志

卷之三

人物

三

徒崔浩啟仲達與段承根云二人俱涼土才華同脩國史除祕書著作郎卒

劉芳字伯文彭城人以家難避入梁鄒城復北徙爲平齊民時年十六聰敏過人晝則傭書自給夜則誦讀終夕不寢至有易衣併日之敝而澹然自守著窮通論以自慰焉常爲諸僧傭寫經論筆迹稱善卷直一練歲中能入百餘匹如此數十年賴以頗振後以中官李豐薦擢拜中書博士累遷太子庶子員外散騎常侍與王肅辯論禮經理義精闢時人號爲劉石經超遷國子祭酒侍中延昌二年卒贈鎮東將軍徐州刺史

崔亮字敬儒清河東武城人父元孫仕劉宋尚書郎爲沈
文秀所害亮隨母房氏避難歷城及三齊平內徙桑乾
爲平齊民時年十歲常依季父幼孫居家貧傭書自業
時隴西李冲當朝任事亮從兄光往依之謂亮曰安能
久事筆硯而不往托李氏也彼家饒書因可得學亮曰
弟妹饑寒豈可獨飽自可觀書於市安能看人眉睫乎
光言之於冲冲召亮與語甚奇之迎爲館客冲嘗謂大
崔生寬和篤雅小崔生峭整清澈後以冲薦由中書博
士歷官至尚書僕射卒贈儀同三司

崔光本名孝伯字長仁高祖賜今名東清河郟人也父靈

大同府志

卷之三

人物

五

延宋長廣太守三齊平光年十七隨父徙代家貧好學
晝耕夜誦傭書以養父母太和六年拜中書博士轉著
作郎叅撰國書甚爲高祖所知待累遷中書監車騎大
將軍儀同三司正光中卒贈太傅光撰百三郡國詩百
二三卷詩賦銘讚誄頌表啟數百篇五十餘卷從祖弟長
文字景翰少亦徙於代都聰敏有學識太和中除奉朝
請累遷高陽王諮議叅軍永安中還家卒

高聰字僧智本渤海裔人其先徙居北海之劇縣父法昂
宋員外郎早卒聰少育於祖母主魏師克東陽徙入平
城與蔣少游爲雲中兵戶窘困甚族祖允視之若孫大

加賜給聰涉獵經史頗有文才允數稱於朝拜中書補
士正光初仕至光祿大夫

傅永字修期清河人也幼負氣訟拳勇過人能手執鞍橋
倒立馳騁年二十餘有友人與之書而不能答請於叔
父洪仲洪仲深讓之不爲報乃發憤讀書涉獵經史兼
有才幹爲宋冀州刺史崔道固城局叅軍與道固俱入
魏爲平齊民父母並老饑寒十數年賴其彊於人事戮
力傭丐得以存立晚乃被召兼治禮郎累遷平南長史
高祖每歎曰上馬能擊賊下馬作露布惟傅修期耳後
爲南兗州刺史年踰八十猶能馳射云

大同府志

卷之三

人物

五

常爽字仕明河內溫人祖父仕秦居涼州爽少而聰敏嚴
正有志概雖家人僮隸未嘗見其惰容篤志好學博聞
彊識明習緯候五經百家多所研綜州郡禮命皆不就
世祖西征涼土賜爲六品拜宣威將軍爽置館溫水之
右教授貴遊子弟七百餘人一時人材翕然熾興爽立
訓甚有勸罰之科弟子事之若嚴君焉尙書左僕射元
贊平原太守司馬貞安著作郎程靈虬皆爽教所就高
允嘗稱之曰文翁柔勝先生剛克立教雖殊成人一也
其爲通識歎服如此因教授之暇述六經畧注以廣制
作甚有條貫其書行於世爽不事王侯獨守閒靜談經

肄典二十餘年時人號爲儒林先生

駐夸一名昶趙郡高邑人也少有大度不拘小節耽志書傳好飲酒浩然物表年三十遭父喪鬚鬢致白高尚不仕寄情邱壑少與崔浩爲莫逆交浩爲司徒奏徵爲其中郎辭疾不赴州郡逼遣不得已入代京與浩相見延留數日惟飲酒談敘平生不及世務浩每欲論屈之竟不能發言其見敬憚如此浩慮夸卽還納夸所乘騾廐中冀相維繫夸遂托鄉人輸租者謬爲御車乃得出關及浩誅爲之素服受鄉人弔唁經一時乃止歎曰崔公旣死誰能更容駐夸遂作朋友篇辭義爲時人所稱

大同府志

卷之三

人物

三

趙琰字叔起天水人初符秦兵攘琰爲乳母攜奔壽春年十四乃歸代都孝心色養任熟之節必親調之皇興中京師歲儉婢簡粟糶之遇見切責敕留輕糶累官淮南王府長史時禁制甚嚴不聽越關葬於舊兆琰積二十餘年不得葬二親蒸嘗拜獻未嘗不嬰慕每於時節不受子孫慶賀年踰耳順而孝思彌篤卒年八十及遷都洛陽子應等乃還鄉葬焉

任延敬廣寧人伯父桃太和中爲雲中軍將延敬隨之因家焉太昌初累轉尚書左僕射位望旣重能以寬和接物人士稱之及斛斯椿釁發延敬棄家北走至河北郡

率士民據之以待高祖天平後再爲侍中卒贈太保
北齊

吳遵世字季緒渤海人少學易入恒山從隱居道士遊處
數年忽見一老翁謂之云授君開心符遵世跪取吞之
遂明占候後出遊京洛以易筮知名世祖卽詐授中書
舍人固辭疾

宋

朱弁字少章徽州婺源人少穎悟讀書日數千言建炎初
議遣使問安兩宮弁奮身自獻詔補修武郎借吉州團
練使爲通問副使至雲中抗節守志不辱君命十三年

大同府志

卷之三

人物

五

和議成得歸以所得六朝御容及宣和御書畫爲獻秦
檜沮之僅轉奉議郎十四年卒弁文慕陸宣公詩學李
義山金名王貴人多遣子弟就學及歸述北方所見聞
忠臣義士朱昭史玩張忠輔高景平孫益孫谷傅偉文
李丹五臺僧寶真婦人丁氏晏氏小校閻進朱勣等死
狀請加褒錄有聘遊集四十二卷

洪皓字光弼鄱陽人少負奇節慷慨有經畧登政和五年
進士第建炎二年五月張浚薦皓召入對卽擢徽猷閣
待制假禮部尙書爲大金通問使龔璿副之有真忠臣
之號溢聞中外自建炎己丑出使至紹興十二年七月

還凡十五年

章誼字宜叟建州浦城人登崇寧四年進士第累官徽猷閣直學士樞密都承旨紹興四年大金遣李永壽王翊來時議遣大臣爲報使叅政席益以母老辭薦誼爲代加誼龍圖閣學士充軍前奉表通問使給事中孫近副之誼至雲中與粘罕兀室論事不少屈

滕茂實字秀穎杭州臨安人政和八年進士靖康元年以工部員外郎假本部侍郎副路介廸出使爲大金所留憂憤成疾卒於雲中

閻進隸宣武建炎初遣使通問至雲中爲大金所留凡三亡乃見殺武校尉朱勤亦從至雲中不半月亡去追之還勤含笑死梃下

遼

耶律孟簡字復易于越屋質五世孫性穎悟六歲賦曉天星月詩應聲而成旣長善屬文太康初樞密使耶律乙辛出爲中京留守孟簡表賀未幾乙辛復舊職銜之謫巡磁審關時雖以此見逐不形辭色過林泉勝地終日忘歸明年流保州太康末始得歸鄉里後仕至昭德軍節度使

金

大同府志

卷之三

人物

五

王元節字子元宏州人幼穎悟雖家世貴顯而從學甚謹
渾源劉撝愛其才俊以女妻之遂傳其賦學登天德二
年詞賦進士第雅尚氣節爲密州判官逍遙歸里以詩
酒自娛年五十餘卒

元

李要合汪古部人父阿刺兀思剔吉忽里從太祖攻克有
功歸鎮本部尋卒其母攜之居雲中太祖既定雲中賜
與甚厚從攻西城封北平王

曲樞西土人沈密靜專爲徽仁裕聖皇太后宮臣仁宗幼
時任保傅左右擁翼夙夜匪懈大德中武宗總兵北邊

大同府志

卷之三

人物

五

仁宗侍皇太后之雲中樞櫛風沐雨無倦色及武宗卽
昨仁宗爲皇太子拜樞榮祿大夫平章政事封應國公
劉秉忠字仲晦其先瑞州人天寧虛照禪師遣徒招致爲
僧以其能文詞使掌書記後遊雲中畱居南唐寺世祖
在潛邸海雲禪師被召過雲中聞其博學多材藝邀與
俱行旣入見應對稱旨屢承顧問海雲南還秉忠遂畱
藩邸至元初拜光祿大夫位太保叅預中書省事雖位
極人臣而齋居蔬食終日澹然不異平昔自號藏春散
人

德輝字輝卿興寧交城人元初辟真定開府經歷官世

祖在潛邸召問治道多見嘉納至元中叅議中書省事以老乞歸德輝博學有經濟性不喜嬉笑望而知爲端人嘗與元裕李冶游封龍山時號龍山三老云

歸暘字彥溫汴梁人累官集賢學士資德大夫致仕僑居宏州徙蔚州又徙宣德尋抵大同後卒於解之夏縣

明

沈良浙江仁和人官刑部主事洪武三十一年謫戍應州善春秋士多受業尙書石瑁輩皆出其門

盛春浙江海鹽人官監察御史洪武三十二年謫戍應州博學能文慷慨負氣節其子孫皆以儒業世其家

大同府志

卷之三

人物

堯

鄭賜字彥嘉建寧人洪武十八年進士累官北平叅議坐累謫戍安東屯惠帝卽位成祖及楚王禎皆舉賜爲長史不許未幾召爲工部尙書

仰瞻長洲人爲大理寺丞正統間宦官王振用事百官多奔走其門惟瞻與大理卿薛瑄不往會與瑄辨殺夫寃獄益忤振下獄謫戍大同景泰初召爲右寺丞執法愈堅

上理江西安福人官刑科給事中正統十一年謫戍大同景泰初起原官陞四川布政司叅議

李左修江西吉水人福建僉事正統六年謫戍大同以經

學淑人都御史孫祥布政使郭紀皆以業其門

全寅安邑人少警而聰警學京房易占筮多奇中名聞四方正統閒客遊大同

盧璣浙江松陽人進士成化八年謫戍大同邃於理學士多從之遊

彭澤南海人太常寺卿嘉靖十年謫戍平遠尋起用累官兵部侍郎

李滹涯逸其名代州諸生也性敏慧一目數行下終身不忘時中夜冥坐默憶輒遍數十卷間有字句少訛者不取火惟拈注香拂卷一映即立辨失意進取遂去鄉里

大同府志

卷之三

人物

卒

僑於靈邱之東河南村杜門却軌著書以自娛兼授徒講學邑子衿多就焉及破門人營葬村側至今呼為李先生墓云

岳可延安人由武進士官遊擊後罷居陽和善琴奕工書翰詩文並有法度从而生計甚拙蕭然如儒生或間從邊將談論阨塞險要及戰守利害如指掌天啟間起萬全都司卒於官其子孫遂占籍宣府焉

秦世英陝西三原人進士蓬萊知縣崇正間戍陽和衛講學賦詩與諸士為忘年交尋遇赦回籍至今後學思之馮杰直隸任邱人官禮科給事中謫戍大同士大夫多從

之遊後回籍

黃正賓歛人爲舍人嘗抗疏下獄斥爲民後李三才等咸與遊有聲士大夫間熹宗立起故官再遷尙寶少卿引病歸魏忠賢下汪文言獄詞連正賓遣戍大同崇正初復官

孫承宗字稚繩高陽人貌奇偉鬚髯戟張與人言聲殷牆壁始爲縣學生授經雲郡往來飛狐拒馬間直走白登喜從材官老兵究問險要阨塞後登進士第二人授編修累官經畧大學士崇正十一年家居死節

國朝

大同府志

卷之三

人物

李

朱彝尊字錫鬯秀水人嘗遊大同望李陵臺入太原訪卦山蒙山晉水諸勝雅嗜金石文搜剔窮巖敗塚遇殘碑斷碣手自摩挲竟日不忍棄去夙有子猷癖雖儻舍必擇有竹地以居客大同地寒無竹嘗藝葦以代之後舉博學宏詞官檢討

李因篤字天生陝西富平人博學工詩文蘭州刺史綬嘗刊其秋興詩沈雄蒼鬱騷壇胥推伏焉文亦瞻整有體格後舉博學鴻詞官翰林院檢討秀水曹司農溶備兵陽和因篤以故人子從時守大同者以禮敦延掌教雲中書院因善代州馮觀察雲驤雅愛其風士人物居公

注夏屋間者十年

林贊王字臯思莆田人知應州友王弟也工詩善書畫愛
茹越桑乾之勝僑應二十年稔知學由所入無幾不足
供修補學宮之用捐所置大北頭村田地盡送歸學應
人至今義之

李御字琴夫丹徒人負俊格抱雋才而敦篤倫理飲博詠
諧其餘韻也出居庸關冒風雪走千餘里遊北嶽作三
十二松記張果驢跡辨燒雪夜鈔一卷將裹糧登五臺
出鴈門再訪蘇李故跡以天寒不果時或登高望焉過
渾源寓永安上方名其齋曰寶葉往往爲詩歌流麗瀟
灑明年春以思母不置而歸

大同府志

卷之三十一 人物

三

大同府志卷之二十三終

